

## Eviva eviva

A matina à bon'ora à lochi discitati  
S'innamora u sole sopr'à i to prati  
U mare in festa t'affistuneghja  
Pari una fata ch'omu fideghja

U penseru misteru quand'ellu hè luntanu  
Avanzemu in la luce cù un fiore in manu  
Simu figlioli è tù sì mamma  
Quant'ella hè grande a nostra a brama

### (Ripigliu)

#### **Ripigliu :**

*Ci basteria ancu à noi una cria  
Di a t'alegria pè fà ci cantà  
Dì ci ch'hè ghjunta sta mane a nova  
Chì da casa à scola hè un bellu andà*

A ciccona chì sona à sbattagliulera  
Oghje hè ghjornu di festa per Corsica intera  
Case fiurite eviva ! Eviva !  
Gioia infinita bella hè a via

### (Ripigliu)

Autore : **Ghjuvanteramu Rocchi**

Cumpuntore : **Feli Travaglini**



# Natalucciu

Eccu vene à Natale  
 Chì ci hà da arricà  
 Cù u so saccu à collu  
 A notte di Natà  
 Eiu vogliu un battellu  
 Pè parte à navigà  
 Ed eiu un spurtellu  
 Bombò è cicculà

Stà ti cun noi à veghja  
 E mani à u carminu  
 Quand'è tù parterai  
 Pichja ind'è u vicinu  
 À Santu chì hè chjucucciu  
 Ùn sà ancu parlà  
 Apri li u to saccu  
 È lascia lu piglià

Porta sta letterina  
 Da cullandi stu mare  
 À quelli chì ùn sò ghjunti  
 À apre e so cas  
 Dì le chì un antru annu  
 Seremu più vicinu  
 Festeremu à Natale  
 À listessu carminu

## Ripigliu :

*Natale natalucciu  
 Cù a to barba bianca  
 Natale natalucciu  
 Posa nantu à sta panca*

## (Ripigliu)

## (Ripigliu)

Autore : **Ghjuvanteramu Rocchi**  
 Cumpunitore : **Feli Travaglini**



## Festa zitellina

À passi di ghjatta  
A neve s'aguatta  
È piglia è si piatta  
In ogni furcò.

Evviva li stracci  
Prestu à vultulà ci  
-Ingrati zitellacci  
-Perchè o Babbò ?

Piove piove latte  
V'aggranca le patte  
Ci hè pocu à scumbatte  
O sgiò Calafrò.

U ventu sculiscia  
Lascendu una striscia  
Di bambace liscia  
Sopr'à li machjò.

Si vede sumeri  
Arechji in pinseri  
Umbrosi mazzeri  
Pè issi cacciarò.

U ventu rumena  
U celu sumena  
L'angoscia è la pena  
Di l'omi maiò

Sò fatti à frisgetti  
I nostri fussetti  
Sò in biancu li tetti  
Chì bella staghjò.

Autore : **Ghjuvan Ghjaseppu Franchii**  
Cumpunitore : **Ghjuvan Paulu Poletti**



## I m'amichi

I m'amichi sò venuti  
À ballà in tornu à mè  
Eranu tutti vestuti  
Cum'è figlioli di rè

### **Ripigliu :**

*Unu duie è trè  
Figlioli di rè  
Unu dui è trè  
Tutti in tornu à mè*

Ci era l'elefante  
Cù e so botte bianche  
Ci era l'ursachjone  
Cù u so pilone  
Po ci era vulpina  
Cù la so flacchina

### **(Ripigliu)**

Ci era l'anatoccu  
U pizzicu à fioccu  
Trè cunigliuloni  
Arechjipendoni  
Po ci era u ghjallu  
U pizzichigiallu

### **(Ripigliu)**

*Autore : **Ghjuvanteramu Rocchi***

*Cumpunitore : **Ghjuvan Francesco Bernardini***



# S'è tù canti

## Ripigliu :

S'è tù canti s'è tù canti  
 Tuttu hà da cantà  
 S'è tù canti s'è tù canti  
 Tuttu hà da cantà

Hà da cantà l'ora  
 À u to rillogiu  
 A voce in carrughju  
 Quandu chjamerà  
 Hè sbucciato maghju  
 Ci vole à cantà

## (Ripigliu)

Hà da cantà l'acqua  
 In lu fiumicellu  
 U trattu nuvellu  
 Quandu passerà  
 Hè sbucciato maghju  
 Ci vole à cantà

## (Ripigliu)

Hà da cantà lume  
 È muschi è culori  
 Emu da cantà noi  
 Senza più pientà  
 Hè sbucciato maghju  
 Ci vole à cantà

Autore : **Ghjuvanteramu Rocchi**

Cumpunitore : **Ghjuvan Francescu Bernardini**

